

《佛說無量壽經》 補充講表

◎附表三十：以下糅合《佛說無量壽經甄解》

◆明貪瞋癡（三毒）三煩惱

※《大乘百法明門論直解》云：「煩躁擾動，惱亂身心，故名煩惱。」

※《大乘百法明門論直解》云：

「貪者，於有、有具，染著為性。能障無貪善根，生苦為業。」

「瞋者，於苦、苦具，憎恚為性。能障無瞋善根，不安隱性。惡行所依為業。」

「無明者，亦名為癡。於諸理事，迷闇為性。能障無癡善根，一切雜染所依為業。」

○然世人薄俗，共諍不急之事，於此劇惡極苦之中，勤身營務，以自給濟。……無有安時。

◆薄俗：輕賤傳統善良風俗，壞風氣。薄俗者，心愚少智。

◆不急之事：求「菩提」為急務，不求「菩提」，而徒馳走名利，名為「不急之事」。

○勤身營務，以自給濟：土農工商，為資活自身，勤身唯經營世務。給：資也。

※《佛說八大人覺經》云：「第一覺悟：世間無常，國土危脆，四大苦空，五陰無我。生滅

變異，虛偽無主。心是惡源，形為罪藪。如是觀察，漸離生死。」

又云：「第二覺知：多欲為苦，生死疲勞，從貪欲起。少欲無為，身心自在。」

又云：「第三覺知：心無厭足，唯得多求，增長罪惡。菩薩不爾，常念知足，安貧守道。

唯慧是業。……復還生死，度脫眾生，以前八事，開導一切，令諸眾生，覺生死

苦，捨離五欲，修心聖道。」

※《佛遺教經》云：「此五根者，心為其主，是故汝等當好制心。心之可畏，甚於毒蛇，惡

獸、怨賊，大火越逸，未足喻也。譬如有人，手執蜜器，動轉輕躁，

但觀於蜜，不見深阬。……汝等比丘，當知多欲之人，多求利故，

苦惱亦多；少欲之人，無求無欲，則無此患。」

○衣食什物：什物者，資生之物也。什：聚也，雜也。

（怵：音松或鐘）

○憂毒怵怵：於如前諸物散失，則憂心怵怵，劇如「毒」入胸中。怵怵：驚恐不安貌。

○結眾寒熱，與痛共居：為求財故，嚴寒凌冰，熱天拭汗。又以憂怖故，或戰慄而令寒心，或焚灼而令熱身，不能離其痛苦也，非冰炭而能寒熱，非刀刃而能痛切者，故云：痛居。

○然含毒畜怒，結憤精神，自然剋識，不得相離，皆當對生，更相報復。

※《大寶積經》卷第五十七：「假使經百劫，所作業不亡；因緣會遇時，果報還自受。」

◆皆當對生，更相報復：由於含恨種子在第八識中，當來就會發生；如兩人有怨業時，當一相遇之時，就會生起互相報復的念頭。

○善惡變化，殃福異處：善惡舉因，殃福舉果。異處者，謂生處異也。

○宿豫嚴待：作善者，天堂果報以待之；作惡者，刀山劍樹以待之。所謂天網恢恢，疏而不漏。宿：往事也。豫：預先、事先。通“預”。嚴：緊密或認真也。

○窈（音咬）窈冥冥：窈窈：深遠也。謂身死識去，而不知其所之也。譬如鳥之遠飛，魚之深沈，不見其形，故云：「窈窈」也。冥冥：冥，幽也、幽闇也；夜無所見，謂不見其生處如何，譬如暗夜「不辨」物之好惡，故云：「冥冥」也。

○更相瞻視，先後同然：觀看周圍之人，無論在他之前，或在他之後，所看到的都是這一類「不信因果、不講因緣果報」之人。先後同然者，效先人迷執，後後傳習也。

○如此之人，矇冥抵突，不信經法，心無遠慮，各欲快意。

※《佛說無量壽經甄解》云：「矇：蒙覆不明也。冥：闇昧無知也。抵突者，『唐突』，謂無所了知，觸事違犯，如小兒夜行，狂犬妄走，無所不作也。」

○恩愛思慕，憂念結縛，心意痛著，迭相顧戀，窮日卒歲，無有解已。

※《佛說四十二章經》云：「佛言：人從愛欲生憂，從憂生怖。若離於愛，何憂何怖？」

※《圓覺經》淨諸業障菩薩章云：「我身本不有，憎愛何由生？」